



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 38. Regis Alfredi obitus.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

Sæculum X. firmandum esse judicavit, jussitque scri-
A. C. 901. bi Epistolas duas, unam datam ad Epis-
 copos Galliarum, Reges, Proceres, om-
 nesque Fideles, in qua jus Pallii, jam an-
 te a Formoso Papa ipsi concessi, ratum
 habet, alteram ad Clericos populumque
 Lingonensem. Utraque Epistola scripta
 est secundo Cal. Sept. Indictione tertia,
 seu vigesima nona Aug. anno nongente-
 simo, Benedicti Papæ primo, post obi-
 tum Lamberti Imperatoris secundo. Ni-
 mirum quia Papa Berengarium Impera-
 torem non agnoscebat, Imperium va-
 care existimabat. Attamen non diu post,
 & eodem anno nongentesimo Ludovi-
 cus Bosonis filius Rex Provinciæ in Ita-
 liam vocatus Imperator proclamari &
 coronari voluit. Argrimus vero post
 toleratas tot ærumnas, cum Ecclesiam
 Lingonensem usque ad annum nongen-
 tesimum undecimum in pace rexisset, ab-
 dicata Dignitate humile monachorum
 Institutum ad S. Benignum Divione am-
 plexus est, ubi post decem annorum cur-
 ricula mortem oppetiit.

Papebr.
conc. p. 152.
dissert 19.
Chr. S. Be-
nig. p. 424.

§. XXXVIII.

Regis Alfredi obitus.

Affer p. 112. In Anglia Rex Alfredus decedens, reli-
 quit Rempublicam florentissimam. Ce-
 terum pietas, quam ab ineunte ætate o-
 mnes in eo admirati sunt, totam ipsius
 vitam

vitam commendavit. Adolescens, cum igne concupiscentiæ ureretur, noctu, nemine conscio surgebat, & in Ecclesia prostratus Deum precabatur, ut se ab hoc Satana liberaret, aut saltem morbum immitteret, qui libidinem extingueret, nec se tamen adeo deformem redderet, ut ad humanitatis officia inutilis fieret. Voti compos factus est, nam paulo post hæmorrhoidum fluxus, quo equidem ab infantia laboraverat, patiendi cupidum tam acutis doloribus aliquot annorum spatio cruciavit, ut vix non vitam eriperet. Cum ad annum ætatis vigesimum pervenisset, fufis ad Deum precibus, ab hac infirmitate liberatus, illico colica exerceri cœpit, quæ pium Principem annis viginti quinque & sæpe usque adeo acerbe torfit, ut Dæmonis maleficium medici suspicarentur.

Bella, quæ Alfredi juventutem exagitarunt, pietatem neutiquam extinxerunt. Cujuscunque sceleris rei essent pagani, veniam concedebat, si Christi fidem suscipere promitterent. Quotiescunque a negotiis quiescere vel pauculis horis licebat, libros legebat, alios interrogabat, sermones miscebat, ex quibus ipse in virtute proficeret, vel illi, quibuscum loquebatur, ad progrediendum in via Salutis excitarentur. Multa Scripta posteritati reliquit, quorum decem ipsius

Sæculum X.
A. C. 901.

Spelm. lib.
III. n. 88.

p. 166.

Sæculum X.
A. C. 901.

Sup. n. 9.

ipsius ingenii & laboris partus erant, atque inter alia Collectio Legum variorum populorum, Leges Saxonum Occidentalium, Tractatus contra iniquos Judices, Effata virorum Sapientium, Parabola, & varia Regum Fortuna. Novem Opera aliorum Scriptorum ab ipso translata numerantur, quorum præcipua sunt, Historia Orosii, Liber Pastoralis S. Gregorii, ejusdemque Dialogi, qui tamen magis a Werefrido Episcopo Vigornienti translatis dicendi sunt. Item Historia Bedæ, & opusculum Boetii de Consolatione, libellus Alfredo præceteris omnibus dilectus, Psalmi David, ultimus hujus Principis labor, cui, cum ad umbilicum pervenisset, immortalis est.

Ap. Spelm.
p. 204.

to. 9. Conc. p.
419. ex Will.
Malmesbur.

Obiit vero die Mercurii vigesima octava Octobris anno nongentesimo primo, anno ætatis quinquagesimo secundo, Regni sui trigesimo, successitque parenti filius primogenitus, a plerisque Eduardus senior dictus. Is a Phlegmundo Archiepiscopo consecratus sub ipsa regni auspicia Concilium celebrari jussit, Archiepiscopo præsidente. Lectæ sunt Pontificis Romani epistolæ, in quibus Eduardus Rex increpabatur, quod in tota Regione Gevisorum, seu Saxonie Occidentalis, jam annis septem nullus Episcopus esset. Ergo Rex & Episcopi singulis